

Na osnovu Zakona o izvršenju budžeta Tuzlanskog kantona za 2026. godinu („Službene novine Tuzlanskog kantona“ broj: 18/25) i Programa raspodjele namjenskih sredstava od ekoloških naknada Ministarstva prostornog uređenja i zaštite okolice za 2026. godinu sa transferima, broj: 12/1-19-002886/26 od 03.02.2026. godine, a u skladu sa Odlukom o utvrđivanju uvjeta, kriterija i postupaka za raspodjelu namjenskih sredstava od ekoloških naknada broj: 12/1-19-007021/26 od 10.03.2026. godine, Ministarstvo prostornog uređenja i zaštite okolice raspisuje:

JAVNI KONKURS

za dodjelu sredstava neprofitnim organizacijama za sufinansiranje odobrenih međunarodnih projekata

1. Predmet javnog konkursa

Predmet javnog konkursa je prikupljanje prijava neprofitnih organizacija – udruženja za sufinansiranje odobrenih međunarodnih projekata, a čija je djelatnost usmjerena na zaštitu i unapređenje okoliša za dodjelu sredstava, a koje se odnose na slijedeće oblasti:

- 1) provedbu energetske programe,
- 2) unapređivanje i izgradnju infrastrukture za zaštitu okoliša,
- 3) poticanje istraživačkih, razvojnih studija, programa, projekata i drugih aktivnosti.

2. Korisnici sredstava koji imaju pravo na podnošenje prijave

Pravo učešća na javnom konkursu, imaju neprofitne organizacije – udruženja koja su registrirana u Ministarstvu pravosuđa i uprave Tuzlanskog kantona, kao i neprofitne organizacije – udruženja koja su registrirana u skladu sa zakonom na entitetskom ili državnom nivou, čija je djelatnost usmjerena na zaštitu i unapređenje okoliša, te koja imaju sjedište, obavljaju djelatnost i implementiraju projekte na području Kantona.

3. Uslovi koji podnositelji prijave moraju ispunjavati

Projekti neprofitnih organizacija – udruženja, koji će se uzeti u razmatranje, dostavljaju se na posebnom obrascu i treba da sadrže:

- 1) naziv i opis projekta,
- 2) oblast zaštite okolice na koju se odnosi projekat,
- 3) ciljeve projekta,
- 4) vrste aktivnosti koje će se provesti da bi se postigli postavljeni ciljevi,
- 5) ukoliko postoji partnerstvo, naziv partnera – druga neprofitna organizacija ili institucija iz javnog sektora sa dokazom o partnerstvu: (sporazum, ugovor i slično sa precizno definiranom vrstom partnerstva i načinom saradnje na projektu),
- 6) broj realiziranih međunarodnih projekata iz oblasti zaštite okoliša sa dokazom (ugovori, potvrde i sl.),
- 7) očekivani rezultati,
- 8) sufinansiranje projekta (navesti u procentima u odnosu na ukupnu vrijednost projekta),
- 9) rok realizacije projekta i
- 10) specifikacija troškova sa visinom sredstava koja se potražuju od Ministarstva (navesti detaljnu specifikaciju i posebno odvojiti stavku administrativni troškovi (režije, telefonski troškovi, kancelarijski materijal, bankovni troškovi, usluge knjigovodstvenog servisa, najam kancelarije, gorivo za prevoz i slično) koja ne smije prelaziti 10% ukupnog budžeta projekta.

4. Popis dokumenata koje je potrebno priložiti uz prijavu

Neprofitne organizacije – udruženja su dužna dostaviti slijedeću dokumentaciju kojom dokazuju ispunjavanje uslova:

- 1) rješenje o upisu u Registar udruženja kod Ministarstva pravosuđa i uprave Tuzlanskog kantona ili drugog nadležnog organa u Bosni i Hercegovini ili Federaciji Bosne i Hercegovine, iz kojeg je vidljivo sjedište udruženja na području Kantona i djelatnost usmjerena na zaštitu i unapređenje okolice,
- 2) uvjerenje o poreznoj registraciji (ID broj),

- 3) spesimen potpisa iz banke osoba odgovornih za finansije,
 - 4) uvjerenje o izmirenim porezima i doprinosima za uposlenike (ukoliko ima uposlenika), ukoliko udruženje nema uposlenih u tom slučaju dužno je dostaviti izjavu da nema uposlenih ovjerenu od nadležnog organa,
 - 5) akt o sufinansiranju projekta potpisan od strane ovlaštene osobe udruženja i ovjeren, ukoliko ima sufinansiranja,
 - 6) bilans stanja i uspjeha za prethodnu budžetsku godinu, potpisan i ovjeren od strane finansijske informatičke agencije (2025. godina),
 - 7) izjavu podnosioca prijave kojom potvrđuje da isti projekat neće aplicirati za finansiranje drugom organu istog nivoa vlasti,
 - 8) projekt (ovjeren i potpisan od strane podnosioca) na posebnom obrascu.
- Neprofitna organizacija – udruženje dužno je dostaviti ugovor, sporazum i slično kojim se dokazuje da je odobren međunarodni projekat. Dokumenti se prilažu u originalu ili ovjerenoj kopiji koja ne može biti starija od 3 mjeseca, računajući od dana objavljivanja javnog konkursa.

5. Osnovni kriteriji odabira (bodovanje projekta)

Prijedlog raspodjele sredstava neprofitnim organizacijama – udruženjima za sudinansiranje stranih projekata daje komisija imenovana od strane ministra, cijeneći pri tome ukupan broj bodova utvrđenih na osnovu slijedećih kriterija:

- 1) oblast zaštite okoliša (do 20 bodova),
- 2) rok realizacije projekta (do 20 bodova),
- 3) ukupna vrijednost projekta (do 20 bodova),
- 4) partnerski odnos sa drugom neprofitnom organizacijom ili institucijom iz javnog sektora u realiziranju projekta (do 20 bodova) i
- 5) broj realiziranih stranih ili međunarodnih projekata iz oblasti zaštite okoliša (do 20 bodova)

Neće se razmatrati prijave neprofitnih organizacija – udruženja:

- 1) koja su dobila finansijsku pomoć od ovog Ministarstva, ako nisu ispunili obavezu pravdanja dodijeljenih sredstava,
- 2) koji ne dostave dokumentaciju za dokazivanje ispunjavanja uvjeta iz člana 4. javnog konkursa i koji ne razrade projekat kako je definirano članom 3. javnog konkursa,
- 3) čiji su projekti, programi ili aktivnosti napravljeni u korist članova udruženja u iznosu većem od 10% ukupnog budžeta projekta (troškovi voditelja, menadžera, koordinatora projekta) i čiji administrativni troškovi (režije, telefonski troškovi, kancelarijski materijal, bankovni troškovi, usluge knjigovodstvenog servisa, najam kancelarije, gorivo za prevoz i slično) na projektu prelaze 10% ukupnog budžeta projekta,
- 4) ukoliko je obrazac projekta neuredan, specifikacija troškova nije detaljno razrađena i sl.
- 5) ukoliko se projekat odnosi samo na organiziranje okruglih stolova, predavanja, seminara, prezentacija i sl.
- 6) Ukoliko projekat sadrži nabavku osnovnog sredstva koje nije direktno vezano za realizaciju kandidovanog projekta.

6. Opće odredbe

Neprofitne organizacije – udruženja imaju pravo na javni konkurs prijaviti najviše jedan projekat. Ukupno raspoloživi iznos sredstava za dodjelu je 30.000,00 KM. Maksimalan iznos koji se neprofitnoj organizaciji – udruženju može odobriti po jednom projektu je 30.000 KM. Projekti se predaju na adresu:

Tuzlanski kanton

Ministarstvo prostornog uređenja i zaštite okoline

Pisarnica Vlade TK (Fra Grge Martića br. 8., 75 000 Tuzla),

(sa naznakom: „ZA JAVNI KONKURS NEPROFITNIM ORGANIZACIJAMA – UDRUŽENJIMA ZA SUFINASIRANJE ODOBRENIH MEĐUNARODNIH PROJEKATA – NE OTVARATI“)

Javni konkurs za dodjelu sredstava zajedno sa propisanim obrascem iz tačke 3. javnog konkursa će biti objavljen na oglasnoj ploči Ministarstva, zvaničnoj web stranici Ministarstva www.mpuzotk.gov.ba i dnevnim novinama „Večernji list“ Mostar. Rok za podnošenje prijave je 15 dana od dana objavljivanja javnog konkursa na web stranici Ministarstva. Kontakt telefon za informacije o javnom konkursu je 035/369 428. Udruženja će imati pravo prigovora na preliminarne liste u roku od osam dana od dana objavljivanja preliminarne liste korisnika javnog konkursa na web stranici Ministarstva. Nakon odlučivanja po prigovorima Ministarstvo će objaviti konačnu listu korisnika dodijeljenih sredstava.

Neblagovremene i nepotpune prijave neće se uzeti u razmatranje.

